

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0068828 26
Zenica, 01.09.2026. godine

OPĆINSKOM SUDU U TEŠNJU
-Sudiji za prethodno saslušanje-
TEŠANJ

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku F BiH, p o d i ž e m

O P T U Ž N I C U

Protiv:

A. M., neosuđivan,

što je:

dana 04.03.2026. godine, oko 16,20 sati, na području općine T., na lokalnom putu J.-M., upravljajući putničkim motornim vozilom marke ..., postupajući suprotno odredbama člana 43. stav 1. Zakona o osnovama bezbjednosti saobraćaja na putevima u BiH („Službeni glasnik Bosne i Hercegovine“ broj: 6/2006, 75/2006, 44/2007, 84/2009, 48/2010, 18/2013, 8/2017, 89/2017 i 9/2018), tako što nije prilagodio brzinu kretanja vozila karakteristikama i stanju puta, vidljivosti, preglednosti i drugim saobraćajnim uvjetima, pa je tako vozeći po dolasku u ulicu A. A. u mjestu J., svjestan da na taj način može ugroziti javni saobraćaj, olako držao da do toga neće doći, vozeći tako, nije obratio pažnju na druge učesnike u saobraćaju to jest pješaka E. Č. koja je u tom trenutku kao pješak prelazila kolovoz sa desne na lijevu stranu posmatrano iz pravca J., te je uslijed tog propusta prednjom stranom svog vozila na sredini kolovoza ostvario kontakt vozilom sa pješakom E. Č. uslijed kojeg udara je E. pala na kolovoz i zadobila tešku tjelesnu ozljedu u vidu preloma lijeve ključne kosti i dvije lake tjelesne ozljede u vidu oguljotine glave lijevo tjemeno i oguljotinu kože desnog palca,

čime je počinio krivično djelo teška krivična djela protiv bezbjednosti javnog saobraćaja iz člana 336. stav 3. u vezi člana 332. stav 3. u vezi stava 1. KZ F BiH.